

Script of Morning Gojri News Bulletin 17 June 2025 at 1015Hrs

مارننگ گو جری نیوز بلیٹن مورخہ 17 جون 2025

یوہ آکا شوانی جموں ہے محمد آصف لو دھی تیں خبر سنو۔

LG Book Release

لیفٹنٹ گو رنر منوج سنہا نے جا تے تہاڑے نوی دہلی مانہ منعقدہ اک پروگرام غے دوران فوٹو صحافی آشیش شرما غی طرفوں لکھی گئی ”ری امیجنگ جموں کشمیر“ نامی ایکن کتاب غو اجراء کیو۔ اس موقع ور اپنا خطاب غے دوران ایل جی موصوف نے سال 2019 مانہ دفعہ 370 نانہ بٹایا جان توں بعد جموں کشمیر مانہ آئی تبدیلیاں با رے آشیش شرما غی طرفوں لکھی گئی کتاب غی مچ تعریف کرتاں واں کہیو جے گذشتہ 5 بہراں مانہ جموں کشمیر مانہ متی تبدیلی دیکھی گئی ہیں۔ اپنا خطاب مانہ جناب سنہا نے کہیو جے جموں کشمیر انتظامیہ نے وزیر اعظم نریندر مو دی غی سربراہی آلی حکومت مانہ متا سارا اقدام چایا ہیں جن غی مدد نال کسے وی ذات پات غی تفریق تے ڈر تیں بغیر ہر ایکن طبقہ غی ترقی ہوئی ہے۔

Rana TRI

جموں کشمیر مانہ قبائلی برادری غی بھلائی بہتری تے تحقیق نانہ بابدو دین غا مقصد نال محکمہ گا وزیر جا وید احمد رانا نے جا تے روز عہدیداراں غی اک میٹنگ بلا غے محکمہ غا کم کاج غو جائزو لیو۔ سرینگر مانہ قبائلی تحقیق با رے ادارہ غے متعلق جناب رانا نے افسراں نانہ ہدایت کی جے آپسی تعاون غے نال تحقیقی اداراں غی سرگرمیاں مانہ شفافیت غے نال بابدو کیو جا ئے۔ وزیر موصوف نے ہدایت کی جے اداراں غی بہترین کارکردگی غی خاطر اک تفصیلی پروجیکٹ رپورٹ یعنی ڈی پی آر تیار کی جا ئے۔

Satish JPDCL

کا بینہ وزیر ستیش شرما نے جا تے روز محکمہ بجلی غا اعلیٰ عہدیداراں غی اک میٹنگ بلا غے بجلی سپلائی غی کارکردگی با رے کم غو جائزو لیو۔ اُن نے افسراں نانہ ہدایت کی جے گرمی غا اس موسم مانہ جموں خطہ مانہ صارفین نانہ بغیر رکاوٹ تیں بجلی مہیا کرائی جا ئے۔ اُن نے افسراں نانہ ہدایت کی جے چھب اسمبلی حلقہ غا دور

دراز غا علاقہ اضافی بجلی ٹرانسفارمر تیار رکھیا جائیں۔ میٹنگ غے دوران جناب شرما نے متعلقین نانہہ ہدایت کی جے گرائیں علاقہ نانہہ بجلی مہیا کران غی خاطر ہی اے ڈی پی غے تحت اک تفصیلی پروجیکٹ رپورٹ تعاون توں تعاون تیار کی جائے۔

FATF

مالی بے ضابطگیاں ور روک لان بارے فورس یعنی ایف اے ٹی ایف نے پہلگام نانہہ ہوا دہشت گردانہ حملہ غی مزمت کرتاں واں کہیو بے جے یوہ حملو مالی مدد تیں بغیر نہیں ہوؤ بے۔ اس سلسلہ نانہہ گلو بل واچ ڈاگ نے اپنا ایکن بیان نانہہ کہیو بے جے پہلگام حملو انجام دین غی خاطر دہشت گرداں تے اُن غا حمایتیاں ہشکار پیسہ غولین دین کیو کیو بے کیونجے مالی مدد تیں بغیر یوہ حملو ممکنہیں تھو۔ واضع رہ جے ایف اے ٹی ایف نے تصدیق کی بے جے وہ اپنی حدود غے اندر عالمی نیٹ ورک غے ذریعے دہشت گردی غی حمایت غی خاطر استعمال کی جان آلی غیر قانونی مالی مدد غا خاتمہ غی خاطر اقدام چا وے گی۔ ایف اے ٹی ایف غو کہنو بے جے واہ تاواں ہی دہشت گردان نانہہ مالی مدد کرن غا غیر قانونی کم غے متعلق اک جامع خلاصو جاری کرے گی تانجے غیر قانونی طور ور استعمال ہون آلی مالی مدد ور روک لانی جاسکے۔

Prog Announcement Yoga

آکاشوانی جموں غا علاقائی خبراں آلا شعبہ غی طرفوں عالمی یوم یوگ غا سلسلہ نانہہ 20 منٹ غو اک خصوصی پروگرام نشر کیو جائے گو۔ یوہ پروگرام 18 جون 2025 ہو وقت سویر 7 بجے 10 منٹ ور نشر وے گو۔ اس پروگرام نانہہ مہاری مہمان وین غی اک مشہور یوگ اچاریہ ڈاکٹر سجاتا ستھو۔ جھپڑی مہاری زندگی نانہہ یوگ غی اہمیت بارے اپنا خیالات سانجھا کریں گی۔ اس مباحثہ غی میزبانی کریں غی مہاری اینکر شروتی کھجوریہ تے کُنال شریواتسو کریں گا۔ اسے طرح غی جانکاری حاصل کرن واسطے میڈیم ویو 990 کلو ہرٹز تے ایف ایم 100 عشریہ 3 ور آکاشوانی جموں سنٹارہیو۔

Udm Deer Park

ادھم پور غا جنگلات تے پہاڑاں غے نزدیک رہن آلی قدرتی مخلوق جن نانہہ ہرن قابل ذکر ہیں غی باز آبادکاری تے اس غی حفاظت غی خاطر رحم دلی غو مظاہرہ کرتاں واں حکومت نے ادھم پور نانہہ ٹائڈے رکھ غا مقام ور اک ہرن پارک قائم کیو بے۔

واضع ره جے اِس ویلے اِس پا رک مانہ 37 برن ره رہی ہیں۔ جت مال چوکھر با رے
ڈاکٹر ہفتہ مانہ اک وری دورو لاغے اُن غی صحت غی دیکھ بھال کریں۔ جد کہ جنگلی
حیات با رے محکمہ غو عملو لگاتار اپنا فرائض انجام دے رہیو ہے۔

Sports Tournament Ramban

نوجوانان مانہ کھیڈ سرگرمیاں نانہ بابدو دین غی خاطر رام بن ضلع غا نوجوان خدمات
تے کھیڈاں با رے محکمہ غی طرفوں ضلع پولیس لائین رام بن مانہ 14 تیں 17 سال
غی عمر گا لڑکاں تے لڑکیاں غی خاطر کبڈی، کھوکھو تے والی بال غا مقابلہ منعقد کرایا
جا رہیا ہیں۔ واضع ره جے اِن کھیڈ مقابلان مانہ نوجوان کھلاڑیاں غی خاطر نشہ تیں
دور رہن غی وی جانکاری فراہم کی جا رہی ہے۔ واضع ره جے اِس طرح گا پروگرام
منعقد کران غی مدد نال نوجوانان غا بتر نانہ باتدے لیا غے اُس نانہ مزید بابدو دتو جا
سکے گو۔

اس غے نال ہی خبراں غو یوہ بلیٹن ختم ہوؤ۔